

Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaata allanngortinneqarneranik Inatsisartut inatsisaat nr. 4, 3. juni 2016-imeersoq(Aallarnisaasunik ineriartortitsineramik ingerlataqarnermut tapersiisarneq)

§ 1

Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaat nr. 20, 3. december 2012-imeersumi makkua allanngortinneqarput:

1. § 1 kingorna ilanngunneqassaaq:

”§ 1 a. Aallarnisaasunik ineriartortitsineramik ingerlataqarnerit piffissamut killiligaasut, tassaasut aallarnisaasunut aalajangersimasunut pikkorissaanerit aamma siunnersuineq, aammalu assersuutigalugu amerlanerusunik imaluunniit annertunerusunik inuussutissarsiornermi ingerlataqalerluni imaluunniit inuussutissarsiornermut suliffeqarfimmi sulisunut suliffissaqartitsinerulerluni inuiaqatigiit aningaasaqarnerannut iluaqutissartaqartitsilersussatut nalilerneqartut, tapersiivigineqartarnissaat siunertaralugu, aallarnisaasunik ineriartortitsineranut aaqqissuussanik aningaasalersuinissamut aningaasaliissutinik ataatsimoortunik pilersitsisoqarsinnaavoq.”

2. § 5 kingorna ilanngunneqassaaq:

”§ 5 a. Tapersiineq aamma aallarnisaasunik ineriartortitsineranut ingerlatanut tunniussivigineqassaaq.

Imm. 2. Imm. 1 naapertorlugu aallarnisaasunik ineriartortitsineranut ingerlatat tassaapput pikkorissaalluni aamma siunnersuilluni ingerlataqarnerit piffissamut killiligaasut, aallarnisaasunut aallarnisarnerup immikkoortuaniittunut, aammalu aallarnisaasunut suliffeqarfutiminni Kalaallit Nunaanni qaammatinit 12-init sivikinnerusumik nalunaarsorsimasimasunut, ikiorsiissutigineqarsinnaasut.

Imm. 3. Aallarnisaasunik ineriartortitsineranut ingerlatanut tapersiissutit piffissamut qaammatit 24-it ikillugit sivilissusilimmut tunniunneqarsinnaapput.

Imm. 4. Naalackersuisut aallarnisaasunik ineriartortitsineranut ingerlatanut aalajangersakkanik erseqqinnerusunik aalajangersaasinnaapput, ilanngullugit tapersiissutinik tunniussinissamut atugassarititaasut.”

3. § 10, imm. 1, imatut oqaasertalerneqassaaq:

” §§ 5 aamma 5 a malillugit tapersiissutit allaffissornikkut aquneqarnissaat pillugu kommunalbestyrelsimut imaluunniit ingerlatseqatigiiffimmut allaffissornermik suliaqartumut Naalackersuisut isumaqatigiissuteqarsinnaapput.”

§ 2

Inatsisartut inatsisaat atortuulissaaq ulloq 1. juuni 2016.

Namminersorlutik Oqartussat, ulloq 3. juni 2016

Kim Kielsen